

Helsinški odbor za ljudska prava u Republici Srpskoj www.helcommrs.org
Asocijacija za demokratske inicijative www.adi.org.ba

Uvod

Ovaj bilten sadrži informacije o realizovanim aktivnostima u okviru projekta „Zajedno protiv širenja mržnje na internetu – lokalne zajednice sigurne zajednice“ u toku 2016. godine.

Realizovane aktivnosti u okviru projekta proveli su Helsinški odbor za ljudska prava u Republici Srpskoj i Asocijacija za demokratske inicijative Sarajevo. Predviđene realizovane aktivnosti održane su u četiri regije u BiH – Bijeljina, Tuzla, Sarajevo i Istočno Sarajevo.



Glavni ciljevi projekta bili su da se:

- preventivno djeluje na zloupotrebe i pogrešno korištenje internet prostora, kroz saradnju institucija sistema i civilnog društva,
- poveća sigurnost korisnika interneta naročito populacije mladih u Bosni i Hercegovini,
- povećaju kapaciteti u pogledu prepoznavanja, dokumentovanja i postupanja po pojavama govora mržnje i drugih oblika sajber kriminala pripadnika policije i omladinskih organizacija,
- poveća informiranost srednjoškolaca o posljedicama širenja govora mržnje na internetu i drugim oblicima sajber kriminala,
- kreiraju, testiraju i promovišu mehanizmi za prijavu pojava govora mržnje na internetu i drugih oblika sajber kriminala,
- uspostavi neformalna mreža aktera koji će zajedno djelovati na prevenciji govora mržnje na internetu i drugih oblika sajber kriminala.

Aktivnost 1: Uspostavljanje dva Info centra

U mjesecu junu 2016. godine uspostavljena su dva Info centra jedan u okviru kancelarije Helsinškog odbora za ljudska prava u Republici Srpskoj i jedan u okviru kancelarije Asocijacije za demokratske inicijative Sarajevo.

Svrha djelovanja dva Info centra bila je da u početnom periodu budu spona između institucija zaduženih za procesuiranje počinioca krivičnih djela počinjenih na internetu i građana/ki prema kojima su najčešće usmjerena ova krivična djela.

Koordinatori/ce dva Info centra su primali/e, evidentirali/e i analizirali/e prijave građana/ki o uočenim zloupotrebama Internet prostora

Aktivnost 2: Obuka za predstavnike/ce omladinskih organizacija

Tokom juna 2016. godine održane su dvije obuke za predstavnike/ce omladinskih organizacija.

- Prva obuka održana je u Sarajevu 17. juna, 2016. godine,
- Druga obuka održana je u Tuzli 24. juna, 2016. godine.

Na obukama je učestvovalo više od 30 predstavnika/ca nevladinih organizacija koji su imali priliku da saznaju nešto više o govoru mržnje na internetu, načinu sankcionisanja, ali i da iznesu svoje mišljenje i preporuke za što efikasniju prevenciju govora mržnje na internetu.

U preporuci Vijeća Evrope o "govoru mržnje" (No. R (97) 20) iz 1997. godine, Ministarsko vijeće ove institucije definiralo je "govor mržnje" kao "sve oblike izražavanja koji šire, potiču, promoviraju ili opravdavaju rasnu mržnju, ksenofobiju, antisemitizam i druge oblike mržnje temeljene na netoleranciji, uključujući i netoleranciju izraženu agresivnim nacionalizmom i etnocentrizmom, diskriminacijom ili neprijateljstvom prema manjinama, migrantima ili ljudima imigrantskog porijekla".



Obuka za predstavnike/ce omladinskih organizacija u Sarajevu



Obuka za predstavnike/ce omladinskih organizacija u Tuzli

Aktivnost 3 Obuka za policijske službenike

U okviru projekta održane su i dvije obuke za policijske službenike:

- Prva obuka održana je 5. septembra, 2016. godine u Istočnom Sarajevu,
- Druga obuka održana je 15. septembra, 2016. godine u Bijeljini.

Na obukama je učestvovalo više od 16 policijskih službenika/ca. Predavači/ce na obukama bile su Snježana Ivandić Ninković iz Asocijacije za demokratske inicijative i Jelena Sikima iz Centra javne bezbjednosti Istočno Sarajevo. Obuke su se fokusirale na načine prepoznavanja govora mržnje i drugih oblika zloupotreba interneta, načine

prikupljanja potrebnih dokaza, njihovo dokumentovanje i dalje prosljeđivanje nadležnim institucijama. Teme koje su se tretirale tokom obuka policijskih službenika/ca su: sloboda govora vs. govor mržnje, širenje sadržaja na internetu - odgovornost korisnika, korištenje međunarodne pravne pomoći za otkrivanje i suzbijanje zloupotrebe Internet prostora, krivična djela motivisana mržnjom na internetu, mladi i sigurnost na internetu, primjena materijalnog i procesnog prava na oblast interneta, anonimnost vs. javnost.



Obuka za policijske službenike u Istočnom Sarajevu



Obuka za policijske službenike u Bijeljini

Govor mržnje i zločin iz mržnje su usko povezana dva čina tako da osobe, ili njihova imovina, ili grupa ljudi, koje su u prošlosti bile mete govora mržnje kasnije bivaju i žrtve zločina iz mržnje. Najčešće su žrtve govora mržnje povratnici, Romi/kinje, LGBT osobe, i druge manjinske grupe.

Svi možemo doprinijeti zaustavljanju širenja mržnje na internetu i društvenim mrežama tako što ćemo naučiti da ga prepoznamo i primjerima skrenemo pažnju javnosti na njegovu upotrebu.

Aktivnost 4

Radionice za učenike

Tokom oktobra 2016. godine Helsinški odbor za ljudska prava u Republici Srpskoj i Asocijacija za demokratske inicijative započeli su sa održavanjem radionica namijenjenim učenicima/cama srednjih škola u BiH. Planirano je da na radionicama učestvuje 360 učenika/ca. Fokus radionica je na informisanju mladih o prednostima i manama koje za sobom nosi razvoj savremenih tehnologija, bezbjednost komunikacije u virtuelnom prostoru, posljedicama širenja uvredljivih sadržaja na internetu, te mogućim reakcijama na pojavu ovakvih sadržaja. Također, radionice su obuhvatile i teme kao što su: bezbjednost korisnika na internetu, autorska prava i zaštita intelektualne svojine, pouzdanost podataka prikupljenih putem interneta.

Do objavljivanja Biltena održano je 6 radionica, na kojima je učestvovalo preko 150 učesnika/ca. Radionice su održane u:

Gimnaziji „Filip Višnjić“, Bijeljina, 7. oktobar, 2016.

Srednjoj školi „28. juni“, Istočno Novo Sarajevo, 10. oktobar, 2016.

Srednjoškolskom centru „Istočna Ilidža“, Istočno Novo Sarajevo“, 11. oktobar, 2016.

Srednjoj ekonomskoj školi, Bijeljina, 12. oktobar, 2016. godina

Srednjoj školi „Sokolac“, Sokolac, 14. oktobar, 2016.

Srednja medicinska škola, Bijeljina, 14. oktobar, 2016.



Radionice za učenike/ce srednjih škola – Bijeljina, Istočno Novo Sarajevo, Istočna Ilidža, Sokolac

PRIJAVI GOVOR MRŽNJE!

055/210-851

Helsinški odbor za ljudska prava u RS
Nikole Tesle 2, 76300 Bijeljina
E-mail: helcomm@teol.net



033/262-415

Asocijacija za demokratske inicijative
Zmaja od Bosne 8, 71 000 Sarajevo
E-mail: snjezana@adi.org.ba



Ova publikacija objavljena je u okviru projekta "Podrška pravosuđu u Bosni i Hercegovini- Jačanje tužilačkih kapaciteta u sistemu krivičnog pravosuđa", kojeg provodi Visoko sudsko i tužilačko vijeće Bosne i Hercegovine.



Visoko sudsko i tužilačko vijeće Bosne i Hercegovine
Visoko sudbeno i tužiteljsko vijeće Bosne i Hercegovine
Високи судски и тужилачки савјет Босне и Херцеговине
High Judicial and Prosecutorial Council of Bosnia and Herzegovina



Izradu ove publikacije podržale su Ambasade Švicarske i Kraljevine Norveške u Bosni i Hercegovini. Sadržaj ove publikacije, kao i nalazi prikazani u njoj, ne odražavaju nužno stavove Vlade Švicarske i Kraljevine Norveške, niti Visokog sudskog i tužilačkog vijeća Bosne i Hercegovine.



Schweizerische Eidgenossenschaft
Confédération suisse
Confederazione Svizzera
Confederaziun svizra



Posjetite nas na:

www.helcommrs.org

www.adi.org.ba

ili na Facebook stranici:

<https://m.facebook.com/Zajedno-protiv-mrznje-na-internetu-835876269849708/>



www.helcommrs.org

Helsinški odbor za ljudska prava u Republici Srpskoj

